

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՀԱՅՏԱՐԱՐՈՒԹՅՈՒՆ ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ՆԳ-2019/15, 25.04.2019թ.

Բողոք ներկայացնող անձ՝ «Վանգաս» ՍՊԸ

Պատվիրատու՝ ՀՀ պաշտպանության նախարարություն

Գնման ընթացակարգի ծածկագիրը և առարկան՝ «ՀՀ ՊՆ ՆՏԱԴ-ԲՄԱՊՁԲ-20/1» ծածկագրով բաց մրցույթ, ՀՀ պաշտպանության նախարարության կարիքների համար բուլդոզերների ձեռքբերում:

Բողոքի պահանջը՝

Պարտավորեցնել ընթացակարգի գնահատող հանձնաժողովին դադարեցնել հանձնաժողովի նիստի թիվ 4 արձանագրության 1.2 կետով «Դելտա-Գրուպ» ՍՊԸ-ի և «Ավանգարտ» ԱՄ ՍՊԸ-ի (կոնսորցիում) ներկայացված որակավորման չափանիշները հիմնավորող փաստաթղթերը ընթացակարգի հրավերի պահանջներին համապատասխանող գնահատելու և վերջիններիս հաղթող մասնակից ճանաչելու մասին որոշումները:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Գ.ՆԵՐՍԻՍՅԱՆ, ՔԱՐՏՈՒՂԱՐ՝ Ա. ԾԱՏՈՒՐՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Սույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

51-րդ հոդվածի 1-ին մասի համաձայն՝ ՀՀ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը ներառյալ:

ՀՀ գնումների հետ կապված բողոքներ քննող անձին

Բողոք բերող՝ «Վանգաս» ՍՊԸ (տնօրեն Վ. Մահակյան)
Հասցե՝ ԱՀ, ք. Ստեփանակերտ, Սուվորովի 10
հեռ.՝ 091-40-90-22
Էլ. փոստ՝ info.vangas@mail.ru

Պատվիրատու՝ ՀՀ պաշտպանության նախարարություն
Հասցե՝ ՀՀ, ք. Երևան, Բազրկանդի 5
հեռ.՝ 010-66-24-94
Էլ. փոստ՝ a.grigoryan@mil.am

Գնման ընթացակարգի ծածկագիրը և առարկան
ՀՀ պաշտպանության նախարարության կարիքների համար «Բուլղոզերների» ձեռքբերման նպատակով հայտարարված «ՀՀ ՊՆ ՆՏԱԴ-ԲՄԱՊԶԲ-20/1» ծածկագրով բաց մրցույթ

ԲՈՂՈՔ

• **Բողոքի նախապատմությունը և փաստերը**

✓ ՀՀ պաշտպանության նախարարության (այսուհետ նաև՝ Պատվիրատու) կողմից բուլղոզերների ձեռքբերման նպատակով կազմակերպվել է «ՀՀ ՊՆ ՆՏԱԴ-ԲՄԱՊԶԲ-20/1» ծածկագրով բաց մրցույթ (այսուհետ նաև՝ Մրցույթ), որին, ի թիվս այլ ընկերությունների, հայտ է ներկայացրել նաև «Վանգաս» ՍՊԸ-ն և համատեղ գործունեության կարգով «ԴԵԼՏԱ-ԳՐՈՒՊ» ՍՊԸ-ն և «ԱՎԱՆԳԱՐՏ» ԱՄ ՍՊԸ-ն:

✓ Ընթացակարգի գնահատող հանձնաժողովի 26.03.2019թ. ժամը 10:00-ին տեղի ունեցած նիստի թիվ 3 արձանագրության 4.1 կետի համաձայն՝ «ԴԵԼՏԱ-ԳՐՈՒՊ» ՍՊԸ-ն և «ԱՎԱՆԳԱՐՏ» ԱՄ ՍՊԸ-ն (կոնսորցիում) ճանաչվել է առաջին տեղ զբաղեցնող մասնակից և առաջարկվել է ներկայացնել որակավորման չափանիշները հիմնավորող փաստաթղթերը:

✓ Այսուհետև Ընթացակարգի գնահատող հանձնաժողովի 15.04.2019թ. նիստի թիվ 4 արձանագրության 1.2. կետի համաձայն՝ հանձնաժողովը «ԴԵԼՏԱ-ԳՐՈՒՊ» ՍՊԸ-ն և «ԱՎԱՆԳԱՐՏ» ԱՄ ՍՊԸ-ն (կոնսորցիում) ներկայացված որակավորման չափանիշները հիմնավորող փաստաթղթերը գնահատվել են Մրցույթի հրավերի պահանջներին համապատասխան, կոնսորցիումի անդամները հայտարարվել են հաղթող մասնակից և որոշվել է վերջիններիս ներկայացնել պայմանագիր կնքելու առաջարկ:

✓ 18.04.2019թ. www.gnumner.am պաշտոնական տեղեկագրում հրապարակվել է պայմանագիր կնքելու մասին հայտարարություն և սահմանվել անգործության ժամկետ՝ մինչև 28.04.2019թ. ներառյալ:

✓ «Վանգաս» ՍՊԸ-ն, ուսումնասիրելով «ԴԵԼՏԱ-ԳՐՈՒՊ» ՍՊԸ-ն և «ԱՎԱՆԳԱՐՏ» ԱՄ ՍՊԸ-ն (կոնսորցիում) ներկայացված որակավորման չափանիշները հիմնավորող փաստաթղթերը, ներկայացված փաստաթղթերում հայտնաբերել է Մրցույթի հրավերի

Մ-1853029
25 04 2019

պահանջներին չհամապատասխանող մի շարք թերություններ և 16.04.2019թ. գրավոր դիմել է գնահատող հանձնաժողովին հետևյալ բովանդակությամբ գրությամբ (ուղարկվել է հանձնաժողովի էլեկտրոնային հասցեին).

«Վանգաս» ՍՊԸ-ի կողմից ուսումնասիրվել են «ՀՀ ՊՆ ՆՏԱԴ-ԲՄԱՊՁԲ-20/1» ծածկագրով ընթացակարգի շրջանակներում 1-ին տեղ զբաղեցնող ճանաչված «ԴԵԼՏԱ-ԳՐՈՒՊ» ՍՊԸ-ի (համատեղ գործունեությամբ «ԱՎԱՆԳԱՐԴ» ԱՄ ՍՊԸ-ի հետ) կողմից ներկայացված ընթացակարգի հրավերով նախատեսված «Մասնագիտական փորձառություն» չափանիշին համապատասխանությունն հավաստող փաստաթղթերը և *ցանկանում ենք հանձնաժողովի ուշադրությունը հրավիրել դրանցում առկա ներքոհիշյալ անհամապատասխանությունների վրա.*

- «Ավանգարդ» ԱՄ ՍՊԸ-ի և «ՎԷԲ-լիզինգ» բաժնետիրական ընկերության միջև 18.06.2018թ. կնքված N P18-11700-ՃԿՈ ծածկագրով առուվաճառքի պայմանագրի 3.1 կետի համաձայն ապրանքի մատակարարումը /հանձնումը/ պետք է իրականացվեր կանխավճարը ստանալուց հետո 20 րանկային օրվա ընթացքում, իսկ 2.4.1 կետի համաձայն կանխավճարի փոխանցումը պետք է կատարվեր պայմանագիրն ուժի մեջ մտնելուց հետո 21 րանկային օրվա ընթացքում: Ստացվում է, որ նույնիսկ առավելագույն ժամկետների հաշվարկման դեպքում ապրանքի մատակարարման ժամկետը, ըստ պայմանագրի, չպետք է ուշ լիներ 2018թ. օգոստոսի 15-ից, այնինչ ապրանքի հանձնում-ընդունումն իրականացվել է նույն թվականի հոկտեմբերի 31-ին, այսինքն՝ ուշացումով: Ընթացակարգի հրավերի 2.5 կետի 1-ին ենթակետի «բ» պարբերության համաձայն՝ պայմանագրի (պայմանագրերի) պատշաճ կատարումը գնահատելու համար մասնակիցը պետք է ներկայացնի տվյալ պայմանագրի կողմերի հաստատած՝ պայմանագրի սահմանված ժամկետում կատարումը հավաստող ակտի (հանձնան-ընդունման արձանագրություն և այլն) պատճենը, *իսկ ներկայացված փաստաթղթերը հավաստում են, որ պայմանագիրը սահմանված ժամկետում չի կատարվել, հետևաբար գնահատող հանձնաժողովի կողմից նշված պայմանագիրը չի կարող գնահատվել որպես «Մասնագիտական փորձառություն» որակավորումն հավաստող փաստաթուղթ,*

- ներկայացված պայմանագրերում առկա տեղեկությունների ուսումնասիրությունից պարզ է դառնում, որ քննարկման է ենթակա դրանց՝ իրականությանը համապատասխանելու հարցը, մասնավորապես, «Ավանգարդ» ԱՄ ՍՊԸ-ի և «ՎԷԲ-լիզինգ» բաժնետիրական ընկերության միջև 12.12.2018թ. կնքված P18-21638-ՃԿՈ և P-18-21639-ՃԿՈ ծածկագրերով առուվաճառքի պայմանագրերում որպես ապրանքի արտադրության, առաքման և հանձնման-ընդունման ակտի ստորագրման հասցե նշված է ք. Չելյաբինսկ, Կալինով դժուր, տուն 7, այնինչ տվյալ հասցեում տեղակայված է մետաղաջարդոնի ընդունման կետ <https://2gis.ru/chelyabinsk/geo/2111698001364754/inside/2111698001364754?queryState=center%2F61.332046%2C55.071308%2Fzoom%2F17/>: Պայմանագրերում հղում է կատարված 01.11.2011թ. N° C-RU.AB28.B.03578. համապատասխանության սերտիֆիկատին, որը սակայն տվյալ պահին արդեն իսկ չի գործել, դրա գործողության ժամկետը լրացել է 21.09.2016թ-ին <http://www.list-org.com/sert/%D0%A1-RU.%D0%90%D0%9228.%D0%92.03578>:

N°P18-11700-ՃԿՈ ծածկագրով պայմանագրում հղում է կատարված հետևյալ համապատասխանության սերտիֆիկատին՝ TCRUC-RU.IM43.B.01646 / <http://www.list-org.com/sert/%D0%A2%D0%A1%20RU%20%D0%A1-RU.%D0%98%D0%9C43.%D0%92.01646/>, որը տրված է «Տեխնիպորտ» ՍՊԸ-ի կողմից և որը նույնպես չի գործում /<https://pub.fsa.gov.ru/ral/view/15427/accredited-entity/>, բացի այդ, «Տեխնիպորտ» ՍՊԸ-ն իրավունք ուներ տրամադրելու սերտիֆիկատներ միայն հետևյալ տեսակի արտադրանքների համար՝

- մարդատար ավտոմեքենաներ / կատեգորիա M1/
- բեռնատար ավտոմեքենաներ առավելագույնը 3,5 տոննա քաշով / կատեգորիա 1/
- մոտոտրանսպորտային միջոցներ / կատեգորիա L/
- ավտոբուսներ, տրոլեյբուսներ / կատեգորիա M2, M3/
- բեռնատար ավտոմեքենաներ 3,5 -12 տոննա քաշով / կատեգորիա 2, 3/
- կցանքներ և կիսակցանքներ /կատեգորիա O/
<http://www.techimport.su/%D1%81%D0%B1%D0%BA%D1%82%D1%81>.

Ակներն է, որ նշված ցանկում բացակայում են արդյունաբերական տրակտորները և բուլդոզերները:

Խնդրում ենք փաստաթղթերի գնահատումն իրականացնելիս՝ հաշվի առնել վերը նշված փաստերը»:

• **Բողոքի իրավական հիմքերը և հիմնավորումները**

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 3-րդ մասի համաձայն՝ մասնակիցը պետք է բավարարի հրավերով սահմանված որակավորման չափանիշները: Մասնակիցը պետք է ունենա պայմանագրով նախատեսված պարտավորությունների կատարման համար հրավերով պահանջվող՝

- 1) մասնագիտական գործունեության համապատասխանություն պայմանագրով նախատեսված գործունեությանը.
- 2) մասնագիտական փորձառություն.
- 3) տեխնիկական միջոցներ.
- 4) ֆինանսական միջոցներ.
- 5) աշխատանքային ռեսուրսներ:

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 47-րդ կետի համաձայն՝ առաջին տեղն զբաղեցրած մասնակցի կողմից փաստաթղթերն ամբողջական չներկայացվելու, ինչպես նաև ներկայացված ներառյալ կոմիտեի կողմից տրամադրված որակավորման չափանիշները հիմնավորող հրավերով նախատեսված փաստաթղթերի, իսկ ապրանքների գնման դեպքում նաև սույն կարգի 32-րդ կետի 1-ին ենթակետի «զ» պարբերությամբ նախատեսված փաստաթղթի գնահատման արդյունքում *հրավերի պահանջների նկատմամբ անհամապատասխանություններ արձանագրվելու դեպքում* հանձնաժողովի բարտուղարը նույն օրն էլեկտրոնային եղանակով ծանուցում է առաջին տեղն զբաղեցրած մասնակցին՝ առաջարկելով մեկ աշխատանքային օրվա ընթացքում շտկել անհամապատասխանությունը:

Մրցույթի հրավերի 2.4-րդ կետի համաձայն՝ մասնակիցը պետք է ունենա կնքվելիք պայմանագրով նախատեսված պարտավորությունների կատարման համար պահանջվող՝

- 1) մասնագիտական փորձառություն,
- 2) տեխնիկական միջոցներ,
- 3) ֆինանսական միջոցներ,
- 4) աշխատանքային ռեսուրսներ:

Հրավերի 2.5-րդ կետի համաձայն՝ մասնակցին ներկայացվող «Մասնագիտական փորձառություն» որակավորման չափանիշը սահմանվում և գնահատվում է հետևյալ կարգով՝

ա. մասնակիցը պետք է իայտը ներկայացնելու տարվա և դրան նախորդող երեք տարվա ընթացքում *պատշաճ ձևով իրականացրած* լինի նմանատիպ առնվազն մեկ պայմանագիր: Նախկինում կատարված պայմանագիրը (կամ պայմանագրերը) գնահատվում է (կամ գնահատվում են) նմանատիպ, եթե դրա (դրանց) շրջանակներում մատակարարված ապրանքների ծավալը (կամ հանրագումարային ծավալը)՝ գումարային արտահայտությամբ, պակաս չէ տվյալ սույն ընթացակարգի շրջանակում մասնակցի ներկայացրած գնային առաջարկի հիսուն տոկոսից: Ընդ որում առնվազն մեկ պայմանագրի շրջանակում մատակարարված ապրանքների ծավալը գումարային արտահայտությամբ պետք է պակաս չլինի սույն ընթացակարգի շրջանակում մասնակցի ներկայացրած գնային առաջարկի քսան տոկոսից:

Սույն ընթացակարգի իմաստով նմանատիպ են համարվում շինարարական և/կամ շինարարության մեջ օգտագործվող տեխնիկայի և/կամ պահեստամասերի և/կամ ավտոմեքենաների մատակարարման պայմանագրերը:

բ. սույն ենթակետի ա) պարբերությամբ նախատեսված պահանջներին իր համապատասխանությունը հիմնավորելու համար մասնակիցը հայտով ներկայացնում է իր կողմից հաստատված հայտարարություն, պայմանով, որ առաջին տեղը զբաղեցրած մասնակից ճանաչվելու դեպքում սույն հրավերով սահմանված կարգով և ժամկետներում հանձնաժողովին կներկայացնի նախկինում *կատարած պայմանագրի (պայմանագրերի) և դրա հաշիվ ապրանքագրերի պատճենները, իսկ այդ պայմանագրի (պայմանագրերի) պատշաճ կատարումը գնահատելու համար՝ տվյալ պայմանագրի կողմերի հատուտաժամ պայմանագրի սահմանված ժամկետում կատարումը հավաստող ակտի (հանձնման-ընդունման արձանագրություն և այլն) պատճենը կամ տվյալ պայմանագրի կատարումն ընդունած կողմի գրավոր հավաստումը:*

գ. մասնակցի որակավորումը այս չափանիշի գծով գնահատվում է բավարար, եթե վերջինս ապահովում է սույն ենթակետով նախատեսված պայմաններն ու պահանջները.

Ինչպես արդեն հայտնել ենք, «Վանգաս» ՍՊԸ-ի կողմից ուսումնասիրվել են «ՀՀ ՊՆ ԱՏԱԴ-ԲՄԱՊԶԲ-20/1» ծածկագրով ընթացակարգի շրջանակներում 1-ին տեղ զբաղեցնող ճանաչված «ԴԵԼՏԱ-ԳՐՈՒՊ» ՍՊԸ-ի (համատեղ գործունեությամբ «ԱՎԱՆԳԱԴ» ԱՍ ՍՊԸ-ի հետ) կողմից ներկայացված՝ ընթացակարգի հրավերով նախատեսված «Մասնագիտական փորձառություն» չափանիշին համապատասխանությունն հավաստող փաստաթղթերը և ցանկանում ենք բողոքներ քննող անձի ուշադրությունը հրավիրել դրանցում առկա ներքոհիշյալ անհամապատասխանությունների վրա.

✓ «Ավանգարդ» ԱՍ ՍՊԸ-ի և «ՎԷԲ-լիզինգ» բաժնետիրական ընկերության միջև 18.06.2018թ. կնքված N P18-11700-ՃԿՄ ծածկագրով առուվաճառքի պայմանագրի 3.1 կետի համաձայն՝ ապրանքի մատակարարումը /հանձնումը/ պետք է իրականացվեր կանխավճարը ստանալուց հետո 20 բանկային օրվա ընթացքում, իսկ 2.4.1 կետի համաձայն՝ կանխավճարի փոխանցումը պետք է կատարվեր պայմանագիրն ուժի մեջ մտնելուց հետո 21 բանկային օրվա ընթացքում: Ստացվում է, որ նույնիսկ առավելագույն ժամկետների հաշվարկման դեպքում ապրանքի մատակարարման ժամկետը ըստ պայմանագրի չպետք է ուշ լիներ 2018թ. օգոստոսի 15-ից, այնինչ ապրանքի հանձնում-ընդունումն իրականացվել է նույն թվականի հոկտեմբերի 31-ին, այսինքն՝ ուշացումով: Ընթացակարգի հրավերի 2.5 կետի 1-ին ենթակետի «բ» պարբերության համաձայն՝ պայմանագրի (պայմանագրերի) պատշաճ կատարումը գնահատելու համար մասնակիցը պետք է ներկայացնի տվյալ պայմանագրի կողմերի

հաստատած՝ պայմանագրի սահմանված ժամկետում կատարումը հավաստող ակտի (հանձնման-ընդունման արձանագրություն և այլն) պատճենը, իսկ ներկայացված փաստաթղթերը հավաստում են, որ պայմանագիրը սահմանված ժամկետում չի կատարվել, հետևաբար գնահատող հանձնաժողովի կողմից նշված պայմանագիրը չի կարող գնահատվել որպես «Մասնագիտական փորձառություն» որակավորումն հավաստող փաստաթուղթ,

✓ ներկայացված պայմանագրերում առկա տեղեկությունների ուսումնասիրությունից պարզ է դառնում, որ քննարկման է ենթակա դրանց՝ իրականությանը համապատասխանելու հարցը, մասնավորապես, «Ավանգարդ» ԱՄ ՍՊԸ-ի և «ՎԷԲ-լիզինգ» բաժնետիրական ընկերության միջև 12.12.2018թ. կնքված P18-21638-ՃԿՈ և P-18-21639-ՃԿՈ ծածկագրերով առուվաճառքի պայմանագրերում որպես ապրանքի արտադրության, առաքման և հանձնման-ընդունման ակտի ստորագրման հասցե նշված է ք. Չեչարինսկ, Կալինով դվոր, տուն 7, այնինչ տվյալ հասցեում տեղակայված է մետաղաշարդոնի ընդունման կետ/<https://2gis.ru/chelyabinsk/geo/2111698001364754/inside/2111698001364754?queryState=center%2F61.332046%2C55.071308%2Fzoom%2F17/>: Պայմանագրերում հղում է կատարված 01.11.2011թ. № С-RU.AB28.B.03578. համապատասխանության սերտիֆիկատին, որը սակայն տվյալ պահին արդեն իսկ չի գործել. դրա գործողության ժամկետը լրացել է 21.09.2016թ-ին <http://www.list-org.com/sert/%D0%A1-RU.%D0%90%D0%9228.%D0%92.03578>:

✓ №P18-11700-ՃԿՈ ծածկագրով պայմանագրում հղում է կատարված հետևյալ համապատասխանության սերտիֆիկատին՝ TCRUC-RU.ИМ43.В.01646 /<http://www.list-org.com/sert/%D0%A2%D0%A1%20RU%20%D0%A1-RU.%D0%98%D0%9C43.%D0%92.01646/>, որը տրված է «Տեխիմպորտ» ՍՊԸ-ի կողմից և որը նույնպես չի գործում /<https://pub.fsa.gov.ru/ral/view/15427/accredited-entity/>, բացի այդ, «Տեխիմպորտ» ՍՊԸ-ն իրավունք ունի տրամադրելու սերտիֆիկատներ միայն հետևյալ տեսակի արտադրանքների համար

- մարդատար ավտոմեքենաներ / կատեգորիա M1/
- բեռնատար ավտոմեքենաներ առավելագույնը 3,5 տոննա քաշով / կատեգորիա I/
- մոտոտրանսպորտային միջոցներ / կատեգորիա L/
- ավտոբուսներ, տրոլեյբուսներ / կատեգորիա M2, M3/
- բեռնատար ավտոմեքենաներ 3,5 - 12 տոննա քաշով / կատեգորիա 2, 3/
- կցանքներ և կիսակցանքներ / կատեգորիա O/

<http://www.techimport.su/%D1%81%D0%B1%D0%BA%D1%82%D1%81>.

Ակներև է, որ նշված ցանկում բացակայում են արդյունաբերական տրակտորները և բուլլոզերները:

Գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ դեռևս 16.04.2019թ. «Վանգաս» ՍՊԸ-ն հայտնել է գնահատող հանձնաժողովին վերոհիշյալ թերությունների և բացթողումների մասին, սակայն հանձնաժողովը ընթացք չի տվել նշված գրությանը և նրանում բարձրացված խնդիրները մնացել են չլուծված: Ավելին, անգամ 18.04.2019թ. www.gnumner.am պաշտոնական տեղեկագրում հրապարակվել է «ԴԵԼՏԱ-ԳՐՈՒՊ» ՍՊԸ-ի և «ԱՎԱՆԳԱՐՏ» ԱՄ ՍՊԸ-ի (կոնսորցիում) հետ պայմանագիր կնքելու մասին հայտարարություն:

Գտնում ենք, որ գնահատող հանձնաժողովը, անտեսելով «ԴԵԼՏԱ-ԳՐՈՒՊ» ՍՊԸ-ի և «ԱՎԱՆԳԱՐՏ» ԱՄ ՍՊԸ-ի (կոնսորցիում) կողմից ներկայացված որակավորման չափանիշները հիմնավորող փաստաթղթերում մասնագիտական փորձառության մասով, առկա բացթողումները և անհամապատասխանությունները Մրցույթի հրավերի պահանջներին, խախտել է Օրենքի 6-րդ հոդվածի 3-րդ մասի, 34-րդ հոդվածի 1-ին մասի, Կարգի 47-րդ կետի,

Հրավերի 2.5 կետի պահանջները:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման,

Ելնելով վերոգրյալից՝ ՀՀ գնումների հետ կապված բողոքներ քննող անձին


ԽՆԴՐՈՒՄ ԵՄ՝

Պարտավորեցնել ՀՀ պաշտպանության նախարարության կողմից բուլքոզերների ձեռքբերման նպատակով հայտարարված « ՀՀ ՊՆ ՆՏԱԴ-ԲՄԱՊԶԲ-20/1» ծածկագրով բաց մրցույթի գնահատող հանձնաժողովին դադարեցնել հանձնաժողովի նիստի թիվ 4 արձանագրության 1.2 կետով «ԴԵԼՏԱ-ԳՐՈՒՊ» ՍՊԸ-ի և «ԱՎԱՆԳԱՐՏ» ԱՄ ՍՊԸ-ի (կոնսորցիում) ներկայացված որակավորման չափանիշները հիմնավորող փաստաթղթերը մրցույթի հրավերի պահանջներին համապատասխան գնահատելու և վերջիններին հաղթող մասնակից ճանաչելու մասին որոշումները:

Առդիր՝ 42 թերթ:

Հարգանքով՝

«Վանգա» ՍՊԸ-ի տնօրեն



Վ.ՍԱՀԱԿՅԱՆ

25.04.2019թ.